

Faatagaga Faapitoa (Exemptions)

O le Polokalame mo Suega i le Atunuu atoa - Faitau tusi/Tusitusi ma le Numera, o le polokalame o suega mo tamaiti aoga o le Tausaga 3, Tausaga 5, Tausaga 7 ma le Tausaga 9 e su'esu'e ai iloa ma tomai i le Faitau tusi/Tusitusi ma le Numera.

O le a maua mai i nei suega ni faamatalaga mo tamaiti aoga, matua, faiaoga ma pule aoga e uiga i laasaga ua ausia e tamaiti aoga e mafai ona faaoga e fesoasoani ai i le a'oa'o atu ma le a'oa'oina.

Faamolemole silasila i le Tusi Faitau (Pamphlet) o loo i le www.vcaa.vic.edu.au mo nisi faamatalaga e uiga i le NAPLAN.

E i ai tulaga faapitoa e mafai ai ona tuuina atu se faatagaga faapitoa i tamaiti aoga e le mafai ai ona sueina suega o le NAPLAN 2009. Faatoa tuuina atu lava e le Pule Aoga le faatagaga i:

- **tamaiti aoga e afaina mafaufau (intellectual disabilities).**

E mafai ona maua le faatagaga faapitoa e tamaiti aoga e matua iloga le afaina o mafaufau e le mafai ai e lea tamaiti aoga ona su'e i suega. E aofia ai tamaiti aoga e matua le mafai lava ona mulimuli i faatonuga faigofie o suega. Peitai, e le faapea ua le taliaina tamaiti aoga i luga o le leaga o taunuuga o aoga po o faafitauli tau le amio. O tamaiti aoga e aofia i lalo o le faatagaga faapitoa e tataua ona suesueina. Mo nisi faamatakaga atili e uiga i ia tuutuuga faapitoa, faamolemole talanoa i lenei mataupu ma lau aoga.

- **tamaiti aoga e le'i atoa le tausaga talu ona aaoaina le Gagana Peretania.**

E mafai ona faataga faapitoa tamaiti aoga e le o la latou gagana muamua le Gagana Peretania e lei atoa le tausaga talu ona taunuu mai a'o lei faia le suega.

O le a faamauina i ripoti o tamaiti aoga uma ua tuuina i ai faataga faapitoa a le NAPLAN le ausia o togi e i lalo ifo o togi e pasi ai (national benchmark) mo le faamoemoe mo se ripoti mo le Minisita o Aoga , Galuega, Aoga ma Mataupu tau Tupulaga (MCEETYA).

E le mafai ona faamauina ua faataga faapitoa tamaiti aoga e le sueina suega a le NAPLAN ona o mafuaaga e ese mai i lo o mafuaaga ua lisiina i luga .

E tataua ona faatumuina le Pepa (form) o Faamaumauga o Faatagaga Faapitoa e tamaiti taitasi, saina ai le Pule Aoga ma matua po o matua fai.

O tamaiti aoga na tuuina i ai faatagaga faapitoa e le i auai i aso o suega o le a faamauina o tamaiti sa **faataga faapitoa**, ae e le o tamaiti **e le'i auai**.